

ՀՀ քաղաքացիական դատավարության օրենսգրքի 109-րդ հոդվածի 1-ին մասի համաձայն՝ դատական ծախսերը գործին մասնակցող անձանց միջև բաշխվում են բավարարված հայցապահանջների չափին համամասնորեն: Նույն հոդվածի 3-րդ մասի համաձայն՝ գործին մասնակցող անձը, որի դեմ կայացվել է եզրափակիչ դատական ակտ, կրում է Հայաստանի Հանրապետության կողմից վկաներին, փորձագետներին, մասնագետներին և թարգմանիչներին վճարված գումարների հատուցման պարտականությունը, ինչպես նաև դատարանի և գործին մասնակցող անձանց կրած դատական ծախսերի հատուցման պարտականությունն այնքանով, որքանով դրանք անհրաժեշտ են եղել դատական պաշտպանության իրավունքի արդյունավետ իրականացման համար:

ՀՀ քաղաքացիական դատավարության օրենսգրքի 112-րդ հոդվածի 1-ին մասի համաձայն՝ վերաքննիչ կամ Վճռաբեկ դատարան բողոք բերելու և բողոքի քննության հետ կապված դատական ծախսերը գործին մասնակցող անձանց միջև բաշխվում են «Դատական ծախսերը» վերտառությամբ ՀՀ քաղաքացիական դատավարության օրենսգրքի 10-րդ գլխի կանոններին համապատասխան:

Նկատի ունենալով, որ սույն գործով հայցը բավարարվում է ՀՀ պաշտպանության նախարարությունից հոգուտ «ԹԵՈՖԱՐՄԱ ԻՄՊՈՐՏ» սահմանափակ պատասխանատվությամբ ընկերության պետք է բռնագանձել 50.000 ՀՀ դրամ՝ որպես Դատարանում վճարված պետական տուրքի գումար:

Անդրադառնալով վերաքննիչ վարույթի հետ կապված դատական ծախսերին՝ Վերաքննիչ դատարանն արձանագրում է, որ ՀՀ պաշտպանության նախարարությունից հոգուտ «ԹԵՈՖԱՐՄԱ ԻՄՊՈՐՏ» սահմանափակ պատասխանատվությամբ ընկերության պետք է բռնագանձել 75.000 ՀՀ դրամ՝ որպես Վերաքննիչ դատարանում նախապես վճարված պետական տուրքի գումար:

Ելնելով վերոգրյալից և ղեկավարվելով ՀՀ քաղաքացիական դատավարության օրենսգրքի 380-րդ, 381-րդ, 387-րդ հոդվածներով՝ Վերաքննիչ դատարանը

Ո Ր Ո Շ Ե Ց

1. «ԹԵՈՖԱՐՄԱ ԻՄՊՈՐՏ» սահմանափակ պատասխանատվությամբ ընկերության ներկայացուցիչ Անետա Սարգսյանի ներկայացրած վերաքննիչ բողոքը բավարարել:

2. Երևան քաղաքի առաջին ատյանի ընդհանուր իրավասության քաղաքացիական դատարանի թիվ ԵԴ2/0138/02/24 քաղաքացիական գործով 29.02.2024 թվականի վճիռը բեկանել և փոփոխել հետևյալ կերպ՝

«1. «ԹԵՈՖԱՐՄԱ ԻՄՊՈՐՏ» սահմանափակ պատասխանատվությամբ ընկերության հայցն ընդդեմ ՀՀ Պաշտպանության նախարարության՝ ՀՀ ՊՆ ԳՀԱՊՁԲ-23-9/56 ծածկագրով ընթացակարգի շրջանակում «ԹԵՈՖԱՐՄԱ ԻՄՊՈՐՏ» սահմանափակ պատասխանատվությամբ ընկերությանը գնումների գործընթացին մասնակցելու իրավունք չունեցող մասնակիցների ցուցակում ներառելու մասին ՀՀ պաշտպանության նախարարության՝ պատվիրատուի ղեկավարի 11.12.2023 թվականի թիվ 95 որոշումը անվավեր ճանաչելու պահանջի մասին, բավարարել:


Անվավեր ճանաչել ՀՀ պաշտպանության նախարարության՝ պատվիրատուի ղեկավարի 11.12.2023 թվականի թիվ 95 որոշումը:

2. ՀՀ պաշտպանության նախարարությունից հոգուտ «ԹԵՈՖԱՐՄԱ ԻՄՊՈՐՏ» սահմանափակ պատասխանատվությամբ ընկերության բռնագանձել 50.000 ՀՀ դրամ՝ որպես Դատարանում վճարված պետական տուրքի գումար:»:

3. ՀՀ պաշտպանության նախարարությունից հոգուտ «ԹԵՈՖԱՐՄԱ ԻՄՊՈՐՏ» սահմանափակ պատասխանատվությամբ ընկերության բռնագանձել 75.000 ՀՀ դրամ՝ որպես Վերաքննիչ դատարանում նախապես վճարված պետական տուրքի գումար:

4. Սույն որոշումն օրինական ուժի մեջ է մտնում հրապարակման պահից և կարող է բողոքարկվել վճռաբեկության կարգով այն հրապարակվելու պահից մեկամսյա ժամկետում:

ՆԱԽԱԳԱՀՈՂ ԴԱՏԱՎՈՐ
Ն. ԿԱՐԱՊԵՏՅԱՆ



ԴԱՏԱՎՈՐ
Ս. ՀԱՐՈՒԵՆՅԱՆ
(ունեն հատուկ կարծիք)



ԴԱՏԱՎՈՐ
Ս. ՍԱՏԻՆՅԱՆ



« »

2024 թվականին որոշումը մտել է օրինական ուժի մեջ:

ՆԱԽԱԳԱՀՈՂ ԴԱՏԱՎՈՐ

Ն. ԿԱՐԱՊԵՏՅԱՆ